

مجموعہ سنون

اثر

جمعیت علمیہ عثمانیہ

اوجھنی سندھ

نومرو ۳۰

جمادی الاخر

استنبول

جمعیت علمیہ عثمانیہ مطبعہ سندھ طبع اولمشر

۱۲۸۱

مجالى قالمقدده قاننى امدرك اتلاف ايدوب لاشه سنى دخى چقورذن طبشارو
 آترو بعده مقاتله واقعه مناسبيله چقورجه حصوله اكلان خرايى
 تعمير ايتدكدن صكره كاكان كينكاھنده شكاره منتظر اولور.
 حيوان مذكورك اشبو عملياتى كندوسنه نسبتله حقيقه امور معظمه دن
 ايسده اصل شايان دقت بونك متضمن اولديغى صنعت و حساب
 وبصيرتدر. بونك فن معماری و اصول جنكاوريده اولان مهارت
 كاماله سى صيد و شكاريله اشتغال ايلديكى قرنجيه قومك صنايع
 غريبه لرينه مساويدر ذينله ييلور. فقط نزد ارباب رشد و نهاده
 توضيح و بيان حاجت اولديغى اوزره بونرك صنعت و مهارتلى
 بر جنس عمل و حركته مخصوص اولوب عقل و ادراكدن محروم
 بولسان حيوانات سائره كې بشقه شيلره مقتدر دكللردر. قرنجيه
 خصمك كندوسى ايچون تهيه ايلديكى حفره هلاكى قطعاً تصور
 ايده مديكى مثلاً قرنجيه ارسلانى دخى الك كوچك برصمان پارچه سنى
 نقلدن عاجزدر. سبحان من تحير فى صنععه سواه.

(منيف)

(خلاصه پوليٲيقه)

اوستريا و پروسيا ايله دانمارقه دولترى بيشده براز وقتدنبرو ويانه ده
 در دست تنظيم اولان مصالحه عهد نامه سى تشرىن ثاينك اوتوزنده
 اعضا اولمش و متعاقباً دخى دانمارقه دولتى طرفندن تصديق
 قلمشدر. معاهده مذكوره نك حاوى اولديغى شرائط مهمه مواد

آيه دن عبارت در دانيمارقه قرالی شلزويق و هولشتاين ولاونبورغ
 ذوقدلقري اوزرنده اولان كافه حقوقني اوستريا ايمراطوري و پروسيا
 قرالی حضراتنه ترك و تبرع ايدر. دانيمارقه نك مذكور دوقدلقره
 ترك ايتش اولديغي بعض محلا ره مقابل اولق اوزره شارويغك جانب
 جنوبيسنده واقع بعض يرل دانيمارقيه براغلمشدر. اوستريا و پروسيا
 و دانيمارقه ما مورلندن مركب بر قوميسيون معاهده واقعه وجهله
 محلنده تحديد حدود ايدجكدرد. دانيمارقه دولتنك ديون
 موجوده سندن مذكور دوقدلقر حصه سته اصابت ايدن بالغ سكسان
 ايكي ميليون فرانق اولوب بونك دانيمارقيه نوجمله تأديه اولميشي
 اقتضا ايدجكي تعيين قلمشدر. انساى محاربه ده دانيمارقه لونك
 ضبط ايتش اولديغي المانيا تجار سفائى و حوله سى هنوز صالتماش
 اولديغي حالده عينا اعجابنه اعاده سنى و صالتماش اولديغي تقديرجه
 لازم كلان بونك تضميني دانيمارقه تعهد ايتشدر.
 مذكور دوقدلقرك اولوجمله المانيايه الحاقنه مبنى بونلرده خدمتن
 اخراج و يا خود تقاعد اولنه جق ما مورينه اقتضا ايدن معاشلر
 مذكور دوقدلقر طرفندن تسويه اولئوب بودخى سنوى اوچوزيك
 طاله يعنى تقريبا اون بيك كبسديه بالغ اوله جقدر.
 حشمتلو فرانسه و روسيه ايمراطورلى بكن شهر تشرين ثانى
 اواخرنده ايتالياده واقع نيسا شهرنده ملاقات ايدوب عزتهلر بوكاپك
 چوق معنار و يره مشلردر. فقط اصح رواياته كوره مشار اليهما يالكز
 بردفعه برايكى ساعت قدر تنهاسجه مصاحبت ايدرك بونده دخى
 بعض مسائل حاضرديه دائر صورت مطلقده مباحث جريان ايتش
 و بنا عليه ملاقات مذكوره نك زمان حال پوليټيقي سنجه بر كونه تأثيرى

اولیه جنی مجزوم بولمیشدر. بعد الملاقات ناپولئون حضرتلری سن قلوبه و الکساندر حضرتلری دخی براینه عودت ایلمشدر.

مؤخر ا فرانسه و ایٹالیادولتلی بیئنده عقد اولئان معاهده معلومه دن عموما ایٹالیا اهاالسی بمنون اولدقلری مثلاو غاریبالدی دخی دولت متبوعه سنک شو حرکتی تقبیج ایتمش و طرفداری اولان بعض ایٹالیاعزتهلری مومی الیه نامنه اوله رق خصوص مذکوره دائر نشر ایتمش اولدقلری بر مکتوب فرانسه ایمپراطوری ناپولئون علیهنده تحقیری متضمن بعض تعیریاتی مشتمل بولمیشیدی. ایٹالیا دولتی اشبو ماده فی اصولی وجهله محاکمه سی اجرا اولنقی اوزره لازم کلان محکمه یه حواله ایتمش ایسه ده تورینده بولئان فرانسه سفارتی بو دعوان صرف نظر ایلمشدر.

اوستریا دولتک کله جک ۱۸۶۶ سنه سنه محسوب بو دفعه تنظیم اولئان موازنه دفترده بشیوز قرق طقوز ملیون سکر یوز قرق ایکی یک سکر یوز اوتوز بر فلورین مصارفات و بشیوز اون سکر ملیون درتیوز التمش بر یک فلورین واردات کوستریلوب بنا علیه اوتوز بر ملیون اوچیوز سکسان یک طقوز یوز سکسان فلورین اچیق کورنمش و اشبو اچیق تضمینات حریبه اوله رق دانمارقه دولتندن بر قاج سنه ظرفنده ویریه جک اچقه ایله قیادلمشدر.

ماقا ئوشهرندن طولانی براز وقتدنبرو چین و پورتیکر دولتلی بیئنده تگون ایدن منازعه یی کندو بینلرنده فصل و تسویه ایده مدکلرندن بو دفعه طرفین بالاتفاق خصوص مذکور حقنده فرانسه دولتی حکم اتخاذا ایتمشدر.

معلوم اولدیغی اوزره مکسبکسانک حمدار سابق بولئان یواریس

مملکت مذکوره خلیجچه وقتدنبرو ایمپراطور لغه منقلب اولمشیکن اليوم حق حکومت دعواسندن فراغت ایتموب حکومت حاضره ايله محارب بولندیغندن مومی الیه بر از وقتدنبرو پیدراس نغراس نام مجله تدارکات عسکریه یه تشبث ایتمش اولدیغی حالده محل مذکور اهابسی علیهنه قیام ایتملیله اورادن فرارایله اولجوارده واقع بعض طاغله التجا ایتمش و اليوم رفاقتنده یالکز ایکی جنزال ايله بیک سکر یوز قدر عسکر قالمشدر. شو حاله نظرأ مومی الیهک ارتق بیهوده اوغراشمقدن صرف نظر ایده جکی مأ مولدن.

المابا ممالکنده اوزان و اکیال پک مختلف اولوب بو ایسه معاملات تجاریه ده مشکلات کلیه یی داعی اولدیغندن بودفعه ممالک مذکوره نک کافه سنده اوزان و اکیالک برلشدیرلسی خصوصی بودفعه پروسیا دولتی طرفندن دیت مجلسنه تکلیف اولمشدر. هر درلو طارتی و اوپلی حقننده فرانسه ده جاری اولان اصول اعشاریه نک درکار اولان فوائد عظیمه سنه مبنی بودفعه انکلتزده دخی اتخازینه پارلمنتوده قران ویرلشدر.

پروسیا امور خارجیه ناظری موسیو بیسمارک بودفعه بر مأ موریت مخصوصه ايله پارسه کیدرک اوراده ایمپراطورو و کلاسیله ملاقی اولمش و حقننده زیاده سیله مراسم مهماتنوازی و احترامکاری ایفا قلمشدر. شو حاله نظرأ مومی الیه فوق العاده بر مصلحت مهیده مأ مور اولدیغی اکلاشیلور ایسده بونک ندن عبارت اولدیغی غزیه رجه هنوز مجهولدر.

روسیه دولتنک شمدی یه قدر تداوله وضع ایلمدیکی اوراق نقدیه نک مقداری طقوز یوز اون ایکی ملون روبله یه بالغ اولوب بوکا قارشواق

اولیٰ ارزره موجود اولان مسکوکاتی دخی یالکز یتش اویچ ملیون روبله در. بو تقدیرجه قوائم نقدیه مسکوکاندن ارن ایکی بیچق قات زیاده دیمک اولور. روایت اولندیغنه کوره دولت مشار الیهسا امور مالیه سنک اصلا حیچون بالجمله املاک میریه یی اجنبی صرافانه رهن ایتمک نیتنده ایمش. املاک مذکوره دخی اوتوز بش بیک میل مربع امتدادنده اولوب طقوز ملیون اهالی یی شاملدر.

وندیک ایالتی داخلنده واقع فریول ناحیه سی ملحقاتندن برمحله کچن تشرین نائینک یکرمی برنده غاریسالدی طاسقی قیافتنده برچوق اشقیاء هجوم ایدرک محلی مال صندغنده موجود بولنان اجه یی غصب ایتمشار ویرینه بر قبطعه مقبوض سندی براقشلردر. اشقیای مرقومه ناک یارلودن اولدیغی مؤخر اکلشلدیغی جهته حکومت طرفندن لدی التحریری اکثریسی اخذ و گرفت اولمشدر.

ژاپونیا اوزرینه سوق اولمش اولان انکلتزه و فرانسه دوتناری بو دفعه اوراده خیلی غلبه یه مظهر اولمشار ایسه ده اولحوالیده ظهور ایدن فرطنه دن ناشی کلی خساره دوچار اولوب بو دخی درت بش ملیون کبسه تخمین اولمشدر.

امریقاده جنوبولر بو دفعه جس نهرینک جانب شمالبسنده شمالولر اوزرینه هجوم ایدوب انلرک اوراده ضبط ایتمش اولدقلری موقعدن ذفعلرینه هر قدر بذل مجهود ایلمشار ایسه ده نهایت منهزما رجعت ایدوب بو وقعده الی بیک قدر ادم تلف اولش و بونلرک ایچننده ایکی جنزال و برچوق ضابطان بولمشدر.